



# BASES DO PROGRAMA DE SUBVENCÍONS PARA MOBILIARIO DE TERRAZAS URBAN FERROL 2010

CONCELLO DE FERROL

INDICE



Indice.....	.....1
Exposición de motivos.....	.....2
Artigo 1. Obxecto.....	.....3
Artigo 2. Actuacións subvencionables.....	.....3
Artigo 3. Investimento subvencionable.....	.....3
Artigo 4. Financiamento.....	.....3
Artigo 5. Beneficiarios.....	.....4
Artigo 6. Criterios de adjudicación .....	.....4
Artigo 7. Contía da subvención.....	.....4
Artigo 8. Procedemento de concesión da subvención.....	.....5
Artigo 9. Comisión de valoración.....	.....5
Artigo 10. Órgano competente para a resolución do procedemento de concesión.....	.....5
Artigo 11. Prazo de presentación de solicitudes.....	.....5
Artigo 12. Forma e lugar de presentación das solicitudes.....	.....6
Artigo 13. Resolución.....	.....6
Artigo 14. Prazo e forma de xustificación.....	.....7
Artigo 15. Modificación da resolución.....	.....7
Artigo 16. Seguimento, inspección e control.....	.....7
Artigo 17. Incumprimento, reintegros e sancións.....	.....8
Artigo 18. Publicidade das subvencións concedidas.....	.....8
Artigo 19. Compatibilidade .....	.....8
Artigo 20. Remisión normativa.....	.....9

## EXPOSICIÓN DE MOTIVOS



O Concello de Ferrol está a desenvolver o “Proxecto para a rexeneración urbana dos barrios históricos de orixe da cidade marítima de Ferrol ” cofinanciado nun 70 % polo FEDER, dentro da Iniciativa Urbana. O obxectivo principal deste proxecto é a rexeneración social e económica dos barrios de A Magdalena, Canido e Ferrol Vello, que conforman a zona Urban.

O proxecto posúe un carácter integral e recolle sete eixos de actuación. O segundo deles refírese ao desenvolvemento económico e do emprego na zona. Incardinado neste segundo eixo encóntrase o programa de axudas ás pequenas empresas, que consiste no establecemento dun réxime de axudas directas aos pequenos negocios da zona Urban, co fin de incentivar eficazmente os procesos de modernización que o conxunto empresarial da zona debe afrontar para acadar as condicións de competitividade que garantan a súa supervivencia e desenvolvemento.

Dentro do tecido económica da zona, o sector da hostalería precisa dun impulso e revitalización e, concretado no aspecto de imaxe e mellora da calidade, o Concello de Ferrol no seu obxectivo de incentivar e potenciar o sector convoca unha liña de axudas para a adquisición de mobiliario de terrazas para os establecementos de hostalería na zona Urban.

Asemade, esta liña contempla concretamente criterios para a efectividade da igualdade de oportunidades entre mulleres e homes e presta especial atención ás persoas con discapacidade.

## **Artigo 1. Obxecto**

Esta norma ten por obxecto fixar as bases reguladoras polas que se rexerá a concesión de subvencións en réxime de concorrencia competitiva do Programa de subvencións para Terrazas



**Programa  
Urban Ferrol**

Urban Ferrol 2010 do Concello de Ferrol para a modernización e mellora do mobiliario de terrazas dos establecementos hosteleiros nos barrios de A Magdalena, Canido e Ferrol Vello, cofinanciado polo FEDER dentro da Iniciativa Urbana, Eixo 5 de Desenvolvemento Sustentable Local e Urbano do Programa Operativo FEDER Galicia 2007-2013.

## **Artigo 2. Actuacións subvencionables**

Considéranse actuacións subvencionables a adquisición de mobiliario de terrazas, segundo as especificacións establecidas no anexo VII destas bases, concretamente:

- cadeiras
- mesas
- parasoles

Os investimentos non poden iniciarse con anterioridade ao exercicio 2010.

Os locais para os que se adquira o mobiliario deberán manter o seu uso empresarial durante un período mínimo de 5 anos. O mobiliario de terrazas subvencionado deberá ter unha permanencia mínima de 3 anos.

## **Artigo 3. Investimento subvencionable**

O investimento subvencionable incluírá todos os gastos que de maneira indubidable respondan á natureza da actuación subvencionable.

Non serán subvencionables bens de segunda man nin impostos nin taxas nin gastos non admitidos pola lexislación comunitaria como gastos financeiros, multas ou xuros debedores entre outros.

Cando o importe do gasto subvencionable supere a contía de 30.000 € no suposto de execución de obra, o beneficiario deberá solicitar, como mínimo, tres ofertas de diferentes provedores, con carácter previo á contratación do compromiso, salvo que polas especiais características do gasto non existan no mercado suficiente número de entidades que presten ese servizo.

Se se considera que algún dos gastos presentados ten un importe superior ao valor de mercado, éste axustarase á baixa.

## **Artigo 4. Financiamento**

Para a atención da presente convocatoria dispórase dun crédito de 30.000,00 € con cargo ao Presuposto Municipal do exercicio 2010 na aplicación orzamentaria: 0206-241D-77000

## **Artigo 5. Beneficiarios**

Poderán ser beneficiarias das subvencións as persoas físicas ou xurídicas que acometan a reforma ou modernización como propietarios ou titulares de dereito, usufrutuarios, arrendatarios ou

por outros títulos xurídicos de igual natureza admisible en dereito situados na zona Urban.

As empresas deberán cumprir as seguintes condicións:

- A súa plantilla non debe superar as 50 persoas empregadas
- O seu volume de negocio ou o seu balance xeral anual non supere os 10 millóns de euros
- Non estea participada directa ou indirectamente en máis dun 25 % por persoas físicas ou xurídicas que non reúnan algún dos requisitos anteriores.
- A actividade principal da empresa debe estar encadrada nos epígrafes correspondentes ás agrupacións 67 e 68 do IAE

Non poderán ter a condición de beneficiarios do programa regulado na presente norma as persoas nas que concurran as circunstancias sinaladas no apartado 2º do artigo 10 da Lei 9/2007 de 13 de xuño de subvencións de Galicia.

#### **Artigo 6. Criterios de adxudicación**

Criterios	Puntuación
A solicitude de varios locais contiguos ou na mesma rúa cunha proximidade visual	35
Adquisición de xogos completos de mesas, cadeiras e parasoles	15
A empresaria solicitante sexa muller	5
O/a empresario/a solicitante sexa unha persoa con discapacidade (Teña recoñecido pola Administración un grado de discapacidade igual ou superior ao 33 %)	5
Antigüidade da actividade de máis de 10 anos	5
Emprego da lingua galega na realización das actividades para as que solicita axuda	5

No caso de empate a puntos entre varias solicitudes, o criterio de prelación aplicable será o da data de presentación de solicitudes.

#### **Artigo 7. Contía da subvención**

A subvención acadará o 50 % do gasto total subvencionable, co límite de 2.999 €

En virtude dos límites impostos pola normativa mínimis, a axuda recibida non pode facer que o importe total de axudas deste tipo recibidas durante un período de 3 anos sexa superior ao límite de 200.000 €

#### **Artigo 8. Procedemento de concesión da subvención**

As subvencións otórganse en réxime de concorrencia competitiva en función da



**Programa  
Urban Ferrol**

puntuación obtida trala aplicación do baremo establecido no artigo 6º, considerando as solicitudes que reúnan todos os requisitos esixidos, en tanto exista consignación presupostaria.

No caso de que houbera que desestimar solicitudes por falta de orzamento, incluírase na resolución unha relación de solicitudes que cumpran todos os requisitos, ordeadas a efectos de concesión para que, no caso de renuncia dalgunha das empresas beneficiarias se poida acordar a concesión ás empresas solicitantes seguintes.

#### **Artigo 9. Comisión de valoración**

A Comisión de Valoración das solicitudes estará formada por :

- O Concelleiro de Facenda e Patrimonio, Promoción Económica e Emprego, Modernización Municipal e Promoción Turística
- Dous técnicos/as da Oficina Urban
- Dous técnicos/as de Urbanismo

A Comisión de Valoración elevará a proposta de concesión de subvencións ao órgano competente para a resolución.

#### **Artigo 10. Órgano competente para a resolución do procedemento de concesión**

O órgano competente para resolver a concesión será o Alcalde do Concello de Ferrol

#### **Artigo 11. Prazo de presentación de solicitudes**

O prazo de presentación de solicitudes será de 45 días naturais contados a partir do día seguinte ao da publicación da convocatoria no BOP.

#### **Artigo 12. Forma e lugar de presentación das solicitudes**

As solicitudes deberán presentarse conforme ao modelo normalizado, recollido no Anexo I da convocatoria, no Rexistro Xeral do Concello de Ferrol situado na Praza de Armas s/n en horario de

9.00 a 14.00 horas de luns a venres e os sábados de 9.00 a 13.00. Asimesmo, poderán presentarse en calquera dos lugares previstos no artigo 38 da Lei 30/1992, de 26 de novembro de Réxime Xurídico das Administracións Públicas e do Procedemento Administrativo Común.

O modelo de solicitude deberá acompañarse da seguinte documentación:

1. Copia compulsada do DNI do titular da actividade ou CIF da empresa
2. Copia compulsada do DNI do representante e poder bastante da representación
3. Copia compulsada do título de propiedade ou contrato de arrendamento do local
4. Certificación emitida pola entidade financeira da titularidade da conta
5. Copia compulsada do documento de alta no Imposto de Actividades Económicas
6. Copia compulsada do documento de licenza de apertura
7. Memoria descritiva que inclúa, alomenos, a seguinte información:
  - Actividade desenvolvida e características do local.
  - Descrición das unidades e tipo de mobiliario de terrazas a adquirir
  - Orzamento do investimento, indicando prezos unitarios
  - Planos do estado actual, e croquis da terraza neste caso.
8. Certificados de estar ao corrente nas obrigas tributarias coa Axencia Estatal da Administración Tributaria, coa Tesourería Xeral da Seguridade Social, coa Xunta de Galicia e co Concello de Ferrol
9. De ser o caso, certificado de minusvalía que acredite que o empresario posúe un grado de discapacidade igual ou superior ao 33 %
10. Declaración responsable de non incorrer nos supostos de incapacidade para recibir subvencións, das subvencións obtidas nos tres últimos anos e das solicitadas ou pendentes de solicitar (Anexo II)
11. Declaración relativa á condición de microempresa ou pequena empresa (Anexo III)
12. De ser o caso, compromiso de emprego da lingua galega na realización das actividades para as que solicita axuda. (Anexo V)
13. Declaración de mantemento da actividade empresarial e de mantemento do mobiliario (Anexo VI)

Se a solicitude non reúne os requisitos establecidos na convocatoria, o órgano competente requirirá ao interesado para que subsane no prazo máximo de 10 días hábiles.

Ademáis do anterior, poderá requirirse toda a información e documentación complementaria precisa para unha mellor valoración da solicitude.

### **Artigo 13. Resolución**

Transcorrido o prazo de presentación de solicitudes, o Concello de Ferrol, mediante acordo do órgano competente para resolver, concederá ou denegará as solicitudes de subvención no prazo



**Programa  
Urban Ferrol**

máximo de 3 meses desde a data de finalización do prazo de presentación das solicitudes, entendendo éstas desestimadas sae no dito prazo non recae resolución expresa.

A resolución pon fin á vía administrativa e será notificada polos medios establecidos na Lei 30/1992 de 26 de novembro, de Réxime Xurídico das Administracións Públicas e do Procedemento Administrativo Común.

A concesión de subvención definitiva estará condicionada á obtención dos permisos e autorizacións preceptivos.

#### **Artigo 14. Prazo e forma de xustificación**

Os beneficiarios achegarán no prazo de 6 meses desde a notificación da resolución de concesión da subvención e nos mesmos lugares que os sinalados para a solicitude a seguinte documentación:

Relación de todos os gastos realizados segundo o modelo do Anexo IV

Facturas legais emitidas a nome do beneficiario correspondentes ás actuacións realizadas

Autorización para a instalación de terrazas

Xustificante bancario do movemento na conta do beneficiario á conta do acredor que figura na factura (orde de transferencia e cargo na conta). O xustificante bancario debe vincular o movemento coa factura que se paga

Reportaxe fotográfica en formato dixital e papel que reflectan o resultado das actuacións subvencionadas e o cumprimento das medidas de publicidade.

Declaración responsable (Anexo II) actualizada á data de presentación da xustificación

Certificados de estar ao corrente nas obrigas tributarias coa Axencia Estatal da Administración Tributaria, coa Tesourería Xeral da Seguridade Social, coa Xunta de Galicia e co Concello de Ferrol.

Non se admitirán pagamentos en metálico.

As facturas devolveranse estampilladas con indicación do importe subvencionado en cada caso.

#### **Artigo 15. Modificación da resolución**

No caso de que o gasto xustificado sexa menor ao investimento presentado, a subvención axustarase á baixa na mesma proporción na que se reduce o investimento. Se a diferenza fora debida á falta de execución dalgunha actuación, a Comisión de Valoración poderá valorar se se segue cumprindo a finalidade e, no seu caso, propor a perda da subvención.

#### **Artigo 16. Seguimento, inspección e control**

O Concello de Ferrol poderá levar a cabo as actividades de inspección que considere oportunas para controlar o cumprimento das obrigas do beneficiario.

Alén do anterior, as subvencións estarán sometidas á función interventora e control financeiro exercida pola Intervención Xeral da Comunidade Autónoma e a IGAE. Asimesmo, estará sometida ás actuacións de comprobación previstas na lexislación do Tribunal de Contas e o Consello de Contas, así como aos dos servizos financeiros da Comisión Europea e do Tribunal de Contas Europeo.

No exercicio das funcións anteriores, os beneficiarios deberán achegar tanta información lles sexa requirida.

#### **Artigo 17. Incumprimento, reintegros e sancións**

O incumprimento das obrigas contidas nestas bases reguladoras, na convocatoria ou na demais normativa aplicable, así como das condicións que, de ser o caso, se establezan na resolución de concesión, dará lugar á obriga de devolver total ou parcialmente as subvencións percibidas, así como os xuros de demora correspondentes.

Para facer efectiva a devolución á que se refire o punto anterior, tramitarase o oportuno expediente de reintegro, que se axustará ao previsto no Título II da Lei 9/2007, do 13 de xuño de subvencións de Galicia.

Aos beneficiarios das subvencións reguladas nestas bases seralles de aplicación o réxime de infraccións e sancións previsto no Título IV da Lei 9/2007, do 13 de xuño, de Subvencións de Galicia.

#### **Artigo 18. Publicidade das subvencións concedidas**

Os beneficiarios deberán cumprir as seguintes medidas de publicidade:

- Durante o período de desenvolvemento das obras, colocación dun cartel informativo cos logotipos das entidades cofinanciadoras, cuxo modelo lles será facilitado polo Concello.
- Unha vez finalizada a actuación, colocación dunha placa permanente nun sitio visible da fachada ou espazo destinado á venda, segundo o modelo facilitado polo Concello.

Asemade, os beneficiarios das subvencións concedidas figurarán nos listados públicos das páxinas web das entidades cofinanciadoras.

#### **Artigo 19. Compatibilidade**

As subvencións concedidas ao abeiro desta liña de axudas son compatibles con outras axudas da mesma natureza sempre que a suma dos importes concedidos non exceda os límites sinalados pola lexislación nacional ou comuntaria.

Desde o Concello realizarase o seguimento das axudas de mínimos dos últimos 3 anos.

#### **Artigo 20. Remisión normativa**

A presente convocatoria axustarase ao establecido na seguinte normativa:



**Programa  
Urban Ferrol**

- Regulamento (CE) nº 1080/2006 do Parlamento Europeo e do Consello, relativo ao Fondo Europeo de Desenvolvemento Rexional
- Regulamento (CE) nº 1083/2006 do Consello, polo que se establecen as disposicións xerais relativas ao Fondo Europeo de Desenvolvemento Rexional, Fondo Social Europeo e Fondo de Cohesión
- Regulamento (CE) nº 1828/2006 da Comisión, que fixa normas de desenvolvemento para o Regulamento (CE) nº 1083/2006 do Consello
  
- Regulamento (CE) nº 1998/2006 da Comisión, do 15 de decembro de 2006 relativo á aplicación dos artigos 87 e 88 do Tratado de Axudas de Mínimis
- Recomendación da Comisión de 2003/361/CE do 6 de maio
- Lei 30/1992 do 26 de novembro do Réxime Xurídico das Administracións Públicas e Procedemento Administrativo Común
- Lei 38/2003 de 17 de novembro, Xeral de Subvencións
- Real Decreto 887/2006 de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións
- Orde EHA/524/2008 de 26 de febreiro, pola que se aproban as normas sobre gastos subvencionables dos programas operativos
- Lei 9/2007, do 13 de xuño, de Subvencións de Galicia
- Bases de execución do orzamento do Concello de Ferrol

Ferrol, 13 de abril de 2010

O Alcalde.

Fdo.: Vicente Irisarri Castro

## **ANEXO VII**

### **CADEIRAS:**

Asento e respaldo de chapa ou lamas de aluminio anodizado ou aluminio fundido. O acabado será en aluminio.

Estrutura metálica de tubo de aluminio ou aceiro inoxidable con remates de contacto co chan tales que non produzan desperfectos no pavimento.

A tornillería e pezas de suxeición serán de aceiro inoxidable ou de fundición de aluminio.

Tódolos elementos terán un tratamento superficial tal que garanta a súa estabilidade fronte ás inclemencias ambientais (anodizado 10 micras ou similar).

#### **MESAS:**

Estrutura metálica de tubo de aluminio ou aceiro inoxidable con remates de contacto co chan tales que non produzan desperfectos no pavimento.

A tornillería e pezas de suxeición serán de aceiro inoxidable ou de fundición de aluminio.

A superficie da mesa será de aceiro inoxidable ou MDF. Poderán ser redondas ou cadradas. O acabado superficial en aceiro ou aluminio vista ou lacadas en cor branca.

Tódolos elementos terán un tratamento superficial tal que garanta a súa estabilidade fronte ás inclemencias (anodizado 10 micras ou similar).

#### **PARASOLES:**

A estrutura será de aluminio ou de madeira. O material de cobertura será lona acrílica (100 % tintura en masa).

A base de apoio será unha peza circular de formigón de 8 cm. De altura e diámetro menor ou igual de 60 cm. Cando o autorice o Concello poderase colocar un tubo metálico chantado no pavimento. Aceptaranse tamén pes metálicos.

A cor da lona será o crudo, PANTONE 7500.

A altura será entre 2,00 e 2,50 m. e a superficie en pranta : cadrada entre 2,00 e 2,50 m de lado.

A posición será fixa e regular nas áreas destinadas ás terrazas.

Non se admitirá ningún tipo de publicidade.

En prazas e outros espazos públicos similares o Concello poderá autorizar a instalación de estruturas móbiles maiores a proposta da totalidade dos titulares de concesión de terrazas e aprobando previamente o Concello o modelo concreto de estrutura a instalar.

Asimesmo, deberán terse en conta as características da ocupación dos espazos singulares, establecidas na normativa municipal.